



Projekat finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Općinom Centar Sarajevo

### Izveštaj o održanom drugom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Općini Centar Sarajevo

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Općinom Centar Sarajevo, u utorak, 16. novembra 2021. godine u trajanju od 11.00 do 12.10 sati održan je drugi od tri planirana mentorska sastanka za zainteresovane predstavnike organizacija civilnog društva (OCD). Termin ovog mentorskog sastanka najavljen je na zvaničnoj internet stranici Općine Centar Sarajevo ([www.centar.ba](http://www.centar.ba)).

Na početku mentorskog sastanka učesnicima je još jednom pojašnjena uloga mentora/ice, naglašavajući da je uloga mentora/ice da ukaže na greške, te ne učestvuje u rješavanju istih. U toku trajanja Javnog poziva do sada su održana dva i planiran je još jedan mentorski sastanak.

Mentor je prezentovao osnovne elemente Javnog poziva, fokusirajući se na važnost da **neophodna projektna dokumentacija bude sačuvana u elektronskom obliku**, osim prateća dva dokumenta (ovjerena kopija važećeg rješenja o registraciji i kopija završnog godišnjeg finansijskog izvještaja za 2020. godinu - bilans stanja i bilans uspjeha) koje je potrebno dostaviti u štampanim primjercima uz elektronski medij (USB). Mentor je dodatno naglasio kriterijume u vezi dužine trajanja projekata - period realizacije projekata je neophodno planirati u vremenskom periodu od najmanje 6 do najviše 12 mjeseci, finansijske vrijednosti projekata trebaju biti u rasponu od minimalno 10.000,00KM do maksimalno 70.000,00KM, kao i to da aktivnosti projektnih prijedloga trebaju biti sprovedene na teritoriji Općine Centar i za stanovnike Općine Centar. Također, pomenuta su i iskustava iz prethodnih javnih poziva i najčešće greške koje su bile vezane za prekoračenja u planiranim finansijskim troškovima i nedosljednosti u logičkom okviru. Dodatno, mentor je u toku svoje prezentacije naglasio neophodnost da osnovna četiri dokumenta budu u međusobnoj logičkoj vezi.

U završnom dijelu sesije, predstavnici organizacija su postavljali pitanja koja se tiču formulacije projektnih ideja i logičke matrice. Također, postavljeno je pitanje da li jedna organizacija može aplicirati po javnom pozivu sa identičnim projektom sa osnovnim i proširenim aktivnostima i korisnicima, na šta je odgovoreno da svaka organizacija sama donosi odluku o projektnom prijedlogu sa kojim aplicira. Također, postavljeno je i pitanje u vezi dodatnog sufinansiranja aktivnosti od strane organizacije na šta je odgovoreno da je dozvoljeno dodatno sufinansiranje ali

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Projekat finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



da se očekuje da to sufinansiranje bude novčano sa dokazom da je novac dostupan na računu organizacije. Dodatno su se postavljala pitanja o navođenju rizika koji se mogu desiti tokom implementacije projekta gdje je savjetovano da organizacije same procjene eventualne rizike u odnosu na svoje projektne ideje i da se preporučuje da se rizici navedu u projektnoj dokumentaciji. Postavljena su pitanja u vezi troškova računovodstva, prevoda projektnog prijedloga i pratećih dokumenata u slučaju da projekat bude odobren, na šta je odgovoreno da računovodstveni troškovi spadaju u administrativne troškove, dok troškove prevoda dokumenata treba planirati u projektne troškove. Predstavnici organizacija su imali upit u vezi naziva projekata gdje je sugerisano da nazivi projekata trebaju biti kraći i zvučniji radi dalje promocije odobrenih projektnih aplikacija, kao i da je potrebno razraditi promotivne aktivnosti za projekte. Kroz savjete i komentare pojašnjeno je da svi projekti moraju imati transparentan odabir korisnika/ca za svaku predviđenu aktivnost, kao i da planirane aktivnosti i rezultati trebaju biti u skladu sa matricom logičkog okvira.

Zaključeno je da bi predstavnici organizacija trebali započeti sa izradom projektnog prijedloga što prije, te da za narednu mentorsku sesiju pripreme konkretna pitanja u skladu sa objašnjenom ulogom mentora/ice.

Posljednja mentorska sesija je planirana u:

1. petak, 19. novembar 2021. godine, sa početkom u 11.00 sati u sali 205, Općina Centar Sarajevo, ulica Mis Irbina 1.

Zainteresovani učesnici svoje prijave za mentorsku sesiju mogu dostaviti na e-adresu [merima.cviko@centar.ba](mailto:merima.cviko@centar.ba).